



X

№ 4619 *

530

100 L



Meist. Donna Johann Baptisten
Achtung haben in der
Mitteln auf alle Erachtungen
von der Reformirten in
Frankreich Erfolg haben.

Bekentnus
Der durchleuchtig=
sten Hochgebornen Fürsten vnd Her=
ren/ Herren Wilhelm Prinz zu Branien/ sampt
andern irer F. G. Mitverwandten Defension vñ Nothwehe
wider des Duca de Alba Vnchristliche vñnd vnerhörte vers
folgung gegen alle Stendi der Niderlanden/
Tyrannischer weise geübet.:

PSALM XCIIII.

Sie rüsten sich wider die seele des Gerechten/
vnd verdamme vnschuldig blut / aber der Herr ist mein
schus. Mein Gott ist der Hort meiner zuuersicht/ vñ er
wird jnen ihr vnrecht vergelten / vnd wird sie omb irer
bosheit willen vertilgen/ Der Herr vnser Gott wird sie
stärken.



N^o 4624 *

M. D. LXVIII.

Einleitung

Der Kirchentag

Der Kirchentag ist ein Fest der Einheit und der Liebe
der Christen aller Nationen. Er wird jährlich am
ersten Sonntag im August in der Stadt
Wittenberg gefeiert. In diesem Tage
gedenken wir an die Gründung
des Christentums durch Jesus Christus
und an die Verkündigung des Evangeliums
durch die Apostel. Wir beten für die
Einigkeit aller Christen und für die
Friede der Welt.

Einleitung

Der Kirchentag ist ein Fest der Einheit und der Liebe
der Christen aller Nationen. Er wird jährlich am
ersten Sonntag im August in der Stadt
Wittenberg gefeiert. In diesem Tage
gedenken wir an die Gründung
des Christentums durch Jesus Christus
und an die Verkündigung des Evangeliums
durch die Apostel. Wir beten für die
Einigkeit aller Christen und für die
Friede der Welt.



M. D. LXXVIII.



Allen vnd ieden / was

Standts / Birden vnd Wesens die sey
en / denen disz vnser vnd offen außschreiben zu lesen
fürkompt / Geben wir Wilhelm von Gottes Gnaden / Prins
zu Branien / Graue zu Nassaw / Casenenbogen / Bianden /
Dies Büren vnd Lerdam / Freyherr zu Bredae / r. Neben er-

bietung vnserer / nach eines jeden Standts erforderung /
Gepürtlichen dienst / auch freundlichen vnd güns-
tiglichen willens hiemit zuerkennen.

Wiewol vnser
erachtens zwar sonderlich

nit von nöten ist / weitlaufftig anzu-
zeigen / was vns vnd vnserer mituerwandten / zu gegewertiger
vnserer / gleichwol nit auß lust / sondern vil mehr auß vnwils-
genklichen vnd hoch genottrangten vrsachen vorgenommen
Defension / gegenwehr vnd rettung wider des Duca de Albas
seiner Anhänger vnd blutdürstiger Rott / vnzimliche vnd zu
vil grewliche / vnerhörte inn den Niederlanden bisshero geüpte
handlungen bewegt hab. Demnach wir nicht zweiffeln / ein je-
der recht vñ ehrliebender / den vnser friedlebend gemüt bekant /
auch darneben bewust ist / was wir in den entstandenen Nider-
lendischen empörungen vñnd zerrüttungen ein zeithero / mit
barsatzung leibs / guts vnd bluts der Röm. zu Hispanien / vn-
sern gnädigsten Herrn / zum besten / so ganz getrewlich / emba-

2 4 sig

sig vnd fleißig gesucht/ gethan vnnnd gehandelt haben. Was man auch hergegen mit Confiscation/ensziehung vnd vorenthaltung vnserer Land/ Leuthe/ Haab vnnnd Güter / auch mit schmällicher Proclamation/ vñ vilen vnerhörte Injurys/wider vns/weniger deñ mit recht / gewältiglich geübt vnd vorgenommen hat/werde vns in gegewertiger vnserer genottranger/billichen/Christlichen/zuleßigen vnnnd vnombgenßlicher Defension/Nothwehr vnd Rettung/so wir vornemlich Gott dem Allmechtigen zun ehren / vnd zu erbreitung seines heiligen vnd allein seligmachenden Worts/ vnnnd dann hochstermelter Ró. M. vnd dero Land vnnnd Vnderthanen/auch der Ró. Key. M. vnserm allergnedigsten Herrn / dero geliebten Sönen / vnd andern Successorn / so zu gedachten Landen/rechtmessige anwartung haben/zu gutem/vñ zu abschaffung des vnerhörten erschrecklichen / vnd mehr deñ Barbarischen wütens des Duca de Alba vnd seines Anhangs/ so sie ein zeit hero in den Niderlande/gegen die armen vnschuldigen Christen geübt/ze.vorgenommen haben/vnd vermittelst Göttlicher gnaden/der gepür nach zu prosequiren gemeint sindt/ze.ohne einigen vnsern fernern bericht vor sich selbst gnugsam entschuldigt halten vnd nemen.

So haben wir doch zu desto mehrer vnnnd gründlicher vnserer entschuldigung auch zu verhütung vnd abschaffung alles vnbillichen verdachts der Rebellion (die wir die zeit vnser lebens zum allerhöchsten gehasset vnnnd gestoßen haben) vor rathsam vnd notwendig crachtet/ die vnuermeidliche vrsachen/dardurch wir beneben andern vnsern Mitverwanten Herrn vnd freunden/zu diser gegenwertigen vnuermeidliche Defension/nottrentlich gezwungen vnnnd bewegeseind worden/in disem offenem außschreiben kürzlich anzuzeigen.

Vnd

Vnd achten wir es ansehnlichen offenbar/auch wenig
sichen vnuerborgten sein/welcher gestalt es auffsonderlich an-
stifften vnd erpracticirens des Cardinals von Granuelen/
auch anderer gut vnd Blutdürstiger leuthe/(die vnderm pre-
text vnd schein der berühmten Catholischen Religion/nichts
wenigers dann die ehr vnser einigen Säligmachers vnd
Herren Christi/noch auch hochstermelter Röm. M. dero Land
vnd vnderthanen gedeyhen vnd wolffart/sondern vil mehr jrē
selbst eigenen nutzen vnd weltlichen pracht/mit vndergang
verderben anderer vnschuldiger leuth suchen)dahin entlichen
erwachsen vnd kommen/das die hochbeschwerliche inquisiti-
on vnd vnchristliche Execution Mandata/vnerachtet/das
wir beneben andern vnsern Mitordenbrüdern/dieselben auß
vnderthänigster trewer meinung/auch in besorgung des viel-
faltigen jamers vnd elendes/so allbereyt darauff erfolget/vnd
künfftiglich noch weiter erfolgen mag/zum hefftigsten wider-
rathen/vund dafür zum vnderthänigsten vnd fleissigsten ges-
betten/in den Niderlanden verschienener zeit introducirt einge-
fürt vnd angerichtet worden. Darauff erfolget/das vnderm
schein solcher Inquisition/nunckliche Jar seithero die In-
quisitores/Gleichner/vnd vermeinte Geislichen/gegen den
armen vnschuldigen Christen / so nach der reinen lehr des
Euangetij begirig/mit Confession jrer haab vnd güter mit
martern/peinigen/brennen/trencken/hencken/zerreissen/ver-
geben/heimlich hinrichten/vertreibung ins elendt/vnd in vil
andere ganz erschreckliche vnd mitleidliche wege/jres gefal-
sens procedirt vnd gehandelt haben.

Welche Tyranny vnd verfolgung noch zur zeit nicht
allein im geringste nit gelindert oder gemildert/sondern auch

nach ermelts Duca de Alba vnglücklicher ankunfft in die Ni-
derlande von tag zu tag gemehret/ vnd solche vnmenſchliche/
vnchriſtliche/ vnd vnerhörte geſchwindigkeit/ Executiones/
marter/ vñ ſtraffen/ gegen die arme leuth vngenom̃e werden/
das billich nit allein ein jeder Chriſt/ ſonder auch Türcken vnd
Heiden/ ein mitleiden mit jnen habe ſollē / zugeweiſen was
vor vnſagliche ſchand/ laſter vnd vnzucht von des Duca de Al-
ba vnderhabendem Kriegsvolck täglich begangen werden/
welches einem jedern ehrliebenden Viederman nicht weni-
ger deñ der todt ſelbſt ſchmerzlich vñnd bekümmerlich an den
ſeinen zuſehen/ vnd zuerfaren ſein muß.

Vnd nachdem ſolliche des Duca de Alba ſeines anhangs
vnd bluddürſtiger Kotten/ vnchriſtliche vñnd vnmenſchliche
handlungē denen zwifchē hochſtermelter K. M. vnd den Sten-
den der Niederlande vffgerichten/ ſtatlichen/ verbrieſſten vnd
verſiegelten Contracten/ Obligation/ Verſprechungen vnd
verpflichtungen/ Ja jhrer Ma. ſelbſt gethanem Jurament
ſtracks zuwider/ geübt vnd vorgenommen werden. So wirdt
damit offentlichen vñnd gnugsam zuuerſehen geben/ das nit
allein ermelter von Alba ſich ſeines/ vor jhrer König. Maye.
habenden beuelhs zum höchſten / zu jhrer Maye. derſelbigen
getrewen Lande vñnd leuth ſelbſt nachtheil / vñnd ergang
vñnd verderbniß mißbrauchen/ vornemlich aber dieſe grew-
liche wütterey / gewißlich wider jrer Ma. als eines berümb-
ten/ gütigen/ vñnd milden Königs willen vñnd meinung/ in
dieſen herken/ ſitt vnd gedancken on zweiffel ein ſolches/ noch
das jrer Ma. Königlichen verpflichtungen/ vnd vil weniger
geleiſtem Jurament dermaſſen zuwider gehandelt werden
ſolt / nie geſtiegen iſt / vor ſich ſelbſt auß habender güte vñnd
blie

blutdürstigkeit vorneme / sonder das auch sollichen vnchristlichen vnd vnmenschlichen handlungen / Sintemal der Frey zutritt zu der Königlichē Maiestat durch der widerwertigen giftige Practickē versperrēt / nun mehr durch kein ander mittel vnd wege / daß die in allen rechten erlaubte Defension vnd Gegenwehr zu stewart sein wil.

Dann ob wol hiebvor die Herkogin von Parma / damals irer Ma. gewesene Gubernantin in den Niderlanden / die Predigten Göttliches worts (damit die damals versthende eufferste gefahr vnd vnrat in den Niderlanden verhüt werden möchten) außdrücklich gestat vnd zugelassen / mit vertröstung das gegen die jenigen so die Predigten gehört heten / oder hören würden / nichts vngütlichen oder beschwerlichen solt vorgenommen werden. Welches wir auch vff beuehl hochgemelter Herkogin hin vnd wider durch vnser Gubernament publiciren lassen / auch vns gegen die vnderthanen das ihnen dasselbig vestiglich solt gehalten werden / obligirt vñ verpfflichtet haben.

So hat doch dessen vnangesehen vilermelter Duca de Alba / neben seinem anhang / vor erst vil gütherziger / getrewer Vasallen vnd vnderthanē ire Ma. in sehr grosser anzal allein dero vrsachē halben / das sie die Predigten gehört / vnd sich zu dem jenigen / welches sie Gottes wort gemeh befunden / affectuirt vñ begirlich erzeigt haben / hinweg zuziehen gezwungen.

Habē auch als bald vff außgangene / vermeinte / nichtige vnd wider rechtliche Citations / ohn einige gepürliche observation

nation des gewonlichen / ordentlichen vnd rechtlichen Pro-
cess / auff die Confiscation vnd einnehmung irer habe vnnnd gü-
ter procedirt / dieselbige auch De Facto / sedoch vnder dem
schein des rechtens also würcklich eingezogen.

Über das haben sie auch ansaglich vil frommer ansehe-
licher vnd statlicher leuth der Religion halben mit sträng / few-
er / schwer / vnnnd sonst in andere schreckliche wege ganz er-
bärmlicher / vnnnd vnschuldiger / ja blütdürstiger / vnnnd mehr
dan Tyrannischer weis / öffentlich vnd heimlich hinnechten /
etlich in harten gefengnissen sterben vnnnd verderben / etliche
auch dermassen torquiren / peynigen vnd martern lassen / das
sie nach vil erlittener / vnerhörter / langwiriger marter vnnnd
pein ir leben vnverschulter ellendiger / vnd jämmerlicher weis
haben enden müssen / Wie sie auch noch täglichs vnd ohn vn-
derlaß / solche vnd dergleichen erschrockliche vnd tyrannische
Executiones zu endlichem vndergang vnd verderben der ob-
gedachten Lande / sonderlich aber zu gentslicher aufrüttung
vnd vertilgung der armen betrangten Christen / (deren an-
zal der ohrt sehr groß ist) zuthun vnd vorzunemen bedacht sindt.

Derhalben sie auch zu sollichem effect kurz verschiener
zeit in allen Stedten / durch die ganze Niderlande / ein groß
anzal derjenigen / so sie des Glaubens halben Suspect gehal-
ten / auß iren heusern vnd betten / in einer nacht zugleich auff-
heben / vnnnd gefencklich haben hinweg führen lassen / alles der
mehr gedachten Lande habenden vnd wolherbrachten Priui-
legien / Gesezten / Contracten / Verpfflichtungen vnd Freihei-
ten /

ten/ so die Kön. M. selbst (wie obestehet) mit ihnen eingangen/ auffgerichtet vnd eingewilligt/ auch gelobt vnd geschworen hat/ stracks zuwider.

Wie sie dann auch zu beschwerlichen Preiudicio abbrauch/ vnd nachtheil der obgedachten Priuilegien/ Contracten vnd Freyheiten mit der angeregten Confiscation vnd einsiehung der güter oberzelter massen gewaltiglich procedieren vnd fortfaren/ mit den gefangenen ihres gefaltens vnd mutwillens handeln/ vnd jnen der verjagten/ verstorbenen/ vnd wider recht vnd gewonheit condemnirten vnd verurtheilten/ güter applicieren vnd zueignen. Dardurch sie dann mehrgemelte Lande (welche sie doch zu anzeigung ihres vnderthenigsten gehorsams/ gegen der Kön. Maiestat als jrem ordentlichem Landsfürsten/ ohne alles/ auch das geringste widersehen ganz gutwillig auff vnd angenommen) in eusserste Seruitut vnd dienstbarkeit/ auch zugleich in vnaussprechelichen jammer/ noth/ vnd ellende allbereit gesetzt/ vnd bracht haben/ vnd sonder zweiffel noch weiter da jnen nicht jhr gut vnd Blutdurstig vorhaben gebrochen wirdt/ zubringen nicht vnderlassen werden/ Vnerachtet der vnderthenigsten grossen trew/ so diese Nidderlande jhrer Kön. Maiestat vund derselben geliebten Herrn vatter/ weilandt Keiser Carlen/ Hochmelter vnd lobseliger gedechniß/ in viel wege mit erlegung so viel statlicher vnd ansehnlicher Contributionem/ die sich an esliche viel Million Galden/ vund ein vnsagliche Summa Belts erstrecken/ vnuerdrossen geleistet/ Sonderlich aber zu den letzten vnd newlichsten Kriegen/ an die vierzig Million Galden/

B so

so ganz gutwillig gestewret vnd erlegt / Zu dem das sie sich
auch vber diß alles noch newlicher zeit in die dreissig mahl
hundert tausent g. lden / allein das in die Predigten Göt-
lichs worts vñ Exercitium Religionis nach Prophetischen
vnd Apostolischen Schriffen vergünt vñd frey gelassen
werden möcht / zugeben erbotten haben.

Wiewol auch ihre R. M. hiebevor auff anhalten
vñ berichten Hohermelter Gubernantin / den samplichen
Herzen vnd vom Adel / so vmb abschaffung der obgedach-
ten Inquisition / vñd Executions Mandaten / ein Sup-
plication vbergeben hatten / Gnädigst versprochen vnd zu-
gesagt / das sie sich deß halben in keinem weg zubesorgen odre
zubesahren solten haben.

So ist doch dargegen offenbar vnd am tag / das vnder
jetziger des von Alba zuuil grewlicher Domination solcher
ihrer M. außdrucklicher zusage vnd versprechung zuwis-
der / Ja zu spot vñd veracht der selben etliche ansehenliche
Personen so sich auff solch ihrer M. vnd dero gewesener
Gubernantin beschene vertroöstung gentslich verlassen / in
schwere gefencknuß geworffen / vnd derselben gefangenen /
wie auch der außgewichenen güter / one einigen vnderscheid
der Religion allen rechten / gebräuchen / ordnungen / saking
vnd gewonheiten außdrucklich zugegen gewaltiglich con-
fisciert vnd eingezogen worden. Vnd lassen sich die sachen
dermassen ansehen / das man leslichen niemandten / was
Religion die seyen / wann sie nur etwas begüet vnd zuuer-
lieren haben / verschonen werde.

Vnd

Vnd ob wol wir für vnser Person/die zeit vnfers be-
nothenen Gubernaments / Ja die zeit vnfers verstendigen
alters vns auff der Welt nicht höhers haben angelegen sein
lassen/dann das ihrer May. hochheit/ Authoritet/ gewalt/
macht vnd vermögen täglichs gepflanket vnd erhöhet/ dero
Landt vnd Leuth in friden/rühe/ vffnenemē vnd gedeien er-
halten/vnd aller besorgter vnrathe/ nachtheil vñ schaden bey
ihrer May. Landen vnd vnderthanen souiel menschlich vñ
müglich verhütet vnd abgewendet möcht werden.

Wie wir dann dasselbige ein gereume zeit hero mit
darstreckung vnserer Haab vnd Güter/ Ja mit nicht gerin-
ger gefahr leibs vnd lebens (one rhum zu melden) im werck
erzeigt vnd bewiesen haben.

So hat man doch diesen vngeachtet vns so wol als
andern vnschuldigen/hohes vnd niddern Standts Perso-
nen/auff ein parteyische nichtige Citation vnder ganz sch-
mebeliche Proclamation / vnderm schein / als ob wir nach
der Kön. May. zu Hispanien Superioritet vñnd Hocheit
soltten getrachtet/vnd Crimen rebellionis begangen haben/
ohne einige vorgehende / gnugsame vnparteyische rechtli-
ge erkantnus/alle vnser Landt vnd Leuth/Haab vñ Güter
gewaltiglichen confisciert vñnd eingenommen/welche vns
auch auff den heutigen tag mit verbottenem gewalt / allen
natürlichen/ Geistlichen vñ Weltlichen Rechten außdruck-
lich zuwider vorenthalten werden.

Vnd ist sich zwar wol zuuerwundern/mit was vnuer-
B ij schampter

schampfter vermessenheit vnserer widersacher vorgeben dörfen / als ob wir nach der Kön. Maiestet hochheit vnd Superioritet getrachtet / vnd vns zum Herrn der Nidderlanden zumachen solten vnderstanden haben / So doch das gegenspiel on einige vnserer fernere entschuldigung hier auß leichtlich vnd wol ist abzunehmen / das wir zuuerhüttung alles vnbillichen argwons vnnnd verdachts / vnser befolhen Gubernament in Holland / Seeland vñ zu Brecht freywilliglich resignirt / vbergeben / vnd in die schans geschlagen / auch die vornembste Stette vnnnd Bestungen dero orth / welche wir in vnsern handen gehabt / gütwilliglichen verlassen / vnd vns nicht heimlich / sondern offentlicher weise / heraus in Teutschland (damit wir ja aller beschuldigung vnnnd suspicion möchten vberhaben seyn) begeben.

Welches alles wir zwar nicht würden gethan haben / wann vnser gemüt / meinung vnd vorhaben zur Rebellion (wie vns durch vnserer Mißgünstige zu beschönung ihrer Tyrannischen gewalts handlung mit vnwarheit zugemessen wirdt) gerichtet vnd geneigt gewesen weren / Vnd mögen wir nicht allein wol leiden / sondern wollen auch zu desto grüntlicher erkündigung der warheit hie mit gebetten haben / das die vornembste Hauptleuth / Ampts vnnnd Beuelhaber / derer Stett / Bestung vnd Schlöffer / so vns zeit vnserer getragenen Gubernaments beuolhen gewesen mit fleiß befragt vnnnd verhört werden / ob sie auch / von vns jemals im geringsten ersucht seyen worden / das sie vns einige Stadt / Bestung oder Schloß / zu vnserm selbß particular nutzen vnd vorthail einreumen / vberlifferen / oder zueignen

nen wollen/ Wie dann nit allein von diesem puncten/ sondern von den ganzen Niderlendischen sachen in vnserer Excusation schrifft/ so wir newlicher tag in Truck haben außgehen lassen/ fernerer bericht vnd anzeige geschibet.

Das nun wir vor vnserer vielfaltige vnterthenigste trew vnd nützliche dienste/ so wir ihrer M. vngespars leibs vnd lebens/guts vnd bluts (ohne thun zumelden) gethan/ auch künfftiglich fernere zuerzeigen von herren geneigte feind/ jeso mit so hochuerleslichen schmechlichen beschuldigungen) damit doch vns vor Gott vnd der Welt vnrechte geschichte) auch mit so geschwinden vnd vntrewen Practicken durch vnserer mißgünstigen angegriffen werden / Ist vns in warheit (wie ein jeder ehrliebender vnpartheyischer bey sich leichtlich kan ermessen) sehr bekümmertlich vnd schmerzlich zuuernemen.

An welchen oberzelten / vnd viel andern mehr vnzabarlichen Tyrannischen / vnd vnerhörten gewalts handlungen/ vnserer widerwertigen vnd ire anhenger noch nicht ersettigt / Sondern haben vor etlichen Wochen zu noch mehrer erklerung vnd gnugsamer darthuung ihres vnchristlichen / feindlichen vnmenschlichen vorhabens vnsern geliebten Sone den Grauen von Beuren/ vngeachtet seines geringen alters vnd kündlicher offenbarer vnschult/ von Löuen (dahin wir ihnen studierens halber / vnd damit er irer May. künfftiglich souiel desto nützlicher vnd besser dienen köndte gethan) hinweg genommen/ des vorhabens jnen ihres mutwilligen wolgefallens naher Hispanien zueschicken/wie auch beschehen.

Vber das hat gedachter Herzog von Alba zu erzei-
B ij gung

gung/vnnd noch mehrer beweifung feines Tyrannifchen vnnd blütdürftigen gemüts / innerhalb wenig tagen an die fechzig vom Adel vnd andere anfehenliche reiche Bürger vnd Kauffleuth zu Brüssel/vnd dan noch an die zweyhundert personen in andern Stedten (als er ihnen zuuor all ire haab vnd güter confisciert vnnd eingezogen) blütdürftiger weife/on einige redliche vrsach tödten vñ hinrichten lassen. Wie er dann anfolchem allen noch nit ersettigt/sondern die buide Grauen vnd Ordens Ritter / weilente den Grauen von Egmond vnd den Grauen von Hörn / wolfeliger gedechtniß vngeachtet / das sie hiebeuorn Weilant Keyser Carlen Hochlöblichster gedechtnuß in so vil zügen / auch der jzigē Kön. M. zu Hispanien selbst/so vil jar hero mit schwären kōsten vnd höchster leibs gefahr / nach eufferstem irem vermögen (wie dan dasselbig offenbar vnd mäniglich bewußt ist) trewlich vnd wol gedienet / vnuerhörter sachen/vnd ohne einigen vorgehenden gewonlichen Proceß/ so wol den natürlichen vnd Göttlichen / als auch den gemeinen beschriebenen Rechten/Reichs abschieden / Ordnunge vnd Satzungen zu wider/den fünffte des nechstuerschiennen Monats Junij gleicher gestalt/Tyrannischer vnd blütdürftiger weife/mit dem Schwert hat hinrichten / vnd zu noch grösserer schmach vnnd spott / nicht allein der hingerichtin Herrn/sondern auch irer statlichen anfehenlichen freundschaften/nach beschehener Execution ire Häupter auffstangen odder Gabeln etliche stund lang menniglichen zum Spectacul auffrichten lassen.

Zu dem seind auch alsbald nach obgerürter erschrecklicher Execution/widerumb an die zweyhundert Personen gesencklich eingezogen worden.

Wel

Welche vnaussprechliche vnd bey alle Völkern vorhin
unerhörte Tyranny/verfolgung vnd wüten des mehrge-
dachten verfolgters des Duca de Alba/einen solchen schreck
bey menniglichen verursacht hat / das vor wenig tagen viel
tausent Personen / vnnnd sonderlich etliche der fürnembsten
Papisten (in erwegung/das solche Tyranny gegen menig-
lich on einigen vnterscheid der Religion fürgenommen wer-
det) auß dem Land haben weichen müssen.

Vnd hat sich auffgedachter von Alba öffentlich hören
lassen/das er nicht allein vns/ sondern auch alle die jenigen
so seiner Tyrancy (durch Gottes hülff) entwichē im Reich/
vnd sonst allenthalben suchen / vnd seinem eussersten ver-
mögen nach / heimlich vnnnd öffentlich/ auch bis ins Beth
verfolgen wolle. Wie vns dann deßhalben täglichs vielfal-
tige anzeige vnd warnungen zukommen.

Dieweil nun ab dem allem gnugsam abzunemen vñ
zuerstehen ist/wohin des Duca de Alba vnd seiner guts vñ
blutsdürstiger Rott intent/thun / vnd vornemen gerichtet/
als nemlich mit allein vns vnd andere vnserer Ritherrn vnd
Stende/auch andere guthertzige Leut/Edel vnd Vnedel on
allen vnterscheid / vmb vnserer zeitliche von Gott dem All-
mechtigen verlaubene Güter, sondern auch vmb vnserer eh-
/ Leib vnd veben / vnd darzu noch weiter durch endliche auß-
rüttung / vnterdrückung / vnnnd vertilgung der rechten
lehr des Euangelij / vnd pflanzung irer Papistische Religion/
Abgötterey vnd greuel/in verlust vnser Seelen/ vnd
des ewigen (wilches doch allem zeitlichen vorzusetzen ist) so
viel an ihnen zubringen / Vnnnd aber disfalls geringe hoff-
nung ist/das die Königlliche M. nach irer angebornen na-
türlichen güte vnnnd berümbter sanfftmütigkeit noch zurzeit
einich insehens thun werde. In erwegung weil die wider-
wertigen durch ire hinderlistigs erpracticiren ihr Kön. M.

auch zu jres selbst eignen vñ einigen Sons/ des Prinzen zu Hispanien gefenglicher verwarung zubewegen / sich nicht gescheuhet / daß wir vnnd andere betrangten vns viel weniger etwas guts/ das entweder vnser vnterthenigste schreiben vnd Klagschrift jrer Ma. trewlich vorbracht / oder vns einige sichere audients verstattet werde / zuuerstehen haben.

So sind wir dem allem noch neben vnsern Mituerwandten Herren vnd Freunden / bewegt worden zu vnserer selbst/ auch der hochbetrangten Niederland errettung vñ auffhaltung/ Sonderlich auch der Rō. Kai. Ma. vnserm aller Gnedigsten Herrn / jrer Kat. M. vnnd dere geliebter Sone habenden Interesses vnnd künfftiger Anwartung halben / vnnd endtlich dem ganzen Reich zu gutem/ gegen ein solches des von Alba vnd seines anhangs vnmesigs vñ vnmenschlichs beginnen vñ wüten/ auß Christlichem mit-leiden/ vnd auff beschehnes kleglichs ersuchen vieler hochstgemelter Rō. Ma. gehorsamer Vnterthanen / diese vnser Defension/ vnd genottrangte Gegenwehr / als das einzige vnd eusserste mittel/ Sintemal es mit allen andern versuchten lindern vnd mildern wegen vmbsonst vnnd vergebens ist/ in dem namen Gottes an die hand zunemen / wiewol wir dessen/ da es hett geseyn mögen / viel lieber wolten vberhaben gewesen seyn / Wie dann solches auß vnser bis doher mehr dann zuviel langwieriger gehabter gedult/ ein jeder vnpartheyisch ohn vnser fernner berichten wol abzunemen.

In welcher doch durch vns (wie wir dasselbig mit Gott dem Allmechtigen bezeugt haben wollen) anderst nichts pretendirt oder gesucht wirt/ daß die Ehr Gottes befördert/ sein Gött

sein göttliches wort außgebreitet vnd gepflantz/ Ir König.
May. landt vñ vnderthanen in vorigen wolstandt gebracht/
vnd künfftiglich vnd irer May. vnd dero rechten Successorn
schuldigen gehorsam in auffnehmen vnd gedeien erhalten /der
vnaussprechlichen Tyranny vnd verfolgung des von Alba
vnd seines anhangs geweret die viel gedachte Lande/ des jehi-
gen frembden Kriegsvolk vber haben / vnd zu ihren vorgesch-
freyheiten/ Privilegien/ Contracten/ Ordnungen vnd saks-
ungen/ so ire Mayestet selbst bestettigt/ gelobt vnd geschworen
hat/ widerumb kommen/ denn armen veriaten/ verfolgten/
gefangenen Christen/ widerumb zu irer Freyheit/ auch zu iren
weib vnd kindern / desgleichen zu iren mit gewalt enzogenen
haab vnd gütern verhelffen/ Auch endlich wir / vnser Ehren/
wie inn gleichem vnser Person / (deren wie oben angezeigt/
heimlich vnd öffentlich tag vnd nacht bis ins beth nach getra-
chtet wirdt) auch vnser haab vnd güter gepürlicher weis ver-
sichert vnd restituirt mögen werden.

Vnd so wir solchs erlangen/ auch darüber gebürliche/ ge-
trugsame Asssecution erhalten künften / So wollen wir vns
hiemit außdrücklich erkleret vñnd erbotten haben / daß wir
nicht allein diese vnser gegenwertige Defension / genslich
vnd zumal einstellen vnd abschaffen/ Sonder auch im werck
menninglich zuerkeñen geben wollen/ das vnser Intention vnd
vorhaben/ nye anderst gewesen ist/ daß das Gottes ehr befur-
dert/ vnd irer Mayestet/ vnd dero Landen vñnd vnderthanen
wolfart/ nutzen vnd gedeien gestantz/ gemehret/ vnd in tag-
lichem auffnehmen möchte erhalten werden.

Sind dem allem nach zu allen vnd jeden Ehrliebenden/
E beyde

beyde Hohes vnd Niedrigen Standts Personen/die in sich ein
recht Teutsches geblüt/ vnd dahero Ehr vnd Tugend lieb ha-
ben/vnd herwider allem Vnchristlichen Tyrannischen Vnt-
dürstigen beginnen/ von herzen feind feind/ In sonderheit
aber zu vnfers Glaubens genossen /die sich mit vns zu vnser-
rer waren Christlichen Religion /mit mund vnd herzen be-
kennen/ Dero geistlichen vngeweiffelten / tröstlichen hoff-
nung vnd zuversicht / Färnemlich aber in betrachtung der
höchsten gefahr vnd noth/dareyn das ganze Reich (da sol-
chem besorgtem vnraht / durch Gottes gnade vnd zeitliche
mittel vñ wege nicht solte vorkosten werden) durch des Geg-
theils arglistige/falsche vnd geschwinde Practicken/leichtlich
vnd gewisslich gerachten würde / sie werden solche hohe/ viel-
fältige vnd vnaufsprechliche/ auch in einichē Lande der gan-
zen Christenheit nit mehr erhorte Tyranny behersigen/vñ
sich nit allein zu weiter er vortsetzung vnd durchbringung der
selben Vnchristlichen händel / noch auch zu vnderdrückung
vnserer Christlichen Religion/vnd einer solchen grossen men-
nige gutherziger vnschuldiger/ vñnd nach der warheit Göt-
liches worts durstiger leuth (eufferster verfolgung/ an leib/les-
ben/ Ehr vñnd Gut/ mit nichten bewegen lassen/ Sondern
vil mehr diese vnserere gegenwertige Defension/ anders nicht/
dann Christlich/billich/ zulestig/ vñnd auß hohen wichtigen/
genottrangten/vnd vnuermeidlichen vrsachen vngenossen/
erkennen vñnd halten / auch vns hierinnen/als einem ange-
bornen Standt vñnd Gliedmassen des Heiligen Reichs auß
Christlichen mitteleiden /somet denn Armen bedrangten vnd
verfolgten Christē/natürlicher schuldiger pflicht nach billich
zuhaben ist / vielmehr alle mägliche befurderung / rath vñnd
beystandt erzeigen / vñnd welen vns dahin gedanken vñnd
trachten/

trachten/dar einem solchen grewlichen erschrecklichem/ vnd
vns erhörtem vornemen wüten vnd toben/ der mahl einest/
mit gepürlichen ernst gestewert vnd gewehret/die arme be-
trange/verfolte vñ vergwaltigte Christen hinfuro geschust/
geschirmt/ vnd gehandthabt/ vnd nicht wie bisshero geschie-
hen ist/ vnd noch geschieht/wider Gott/ehr/recht vnd billich-
keit/betrangt/beschweret/verfolgt/gemartert/vnd mit fere
vñ schwert/auch sonst in andere schreckliche wege/ allein vmb
bekanenus der waren Christlichen Religion willen/ so ferner-
lich hingerichtet werden.

Daran erzeiget meniglich ein Christlich/löblich/vnd Gott
dem Allmechtigen ein hochgefelligs/angeneims werck/welchs
zu erbreitung seines Göttlichen worts/vnd vilen armen ver-
folgten/betrübten/angesochtenen/vnd gefangenen Christen
zu trost/wolfart vnd gutem/Ja auch den benachbarten Sten-
den/vnd dem ganken Reich Teutscher Nation zu pflanzung
gutes beständigen friedens gewislich wirt gereichen.

Solches wollen vmb einen jedern / nach erheischung
seines Standts/wir beneben andern vnserer Defension Mit-
verwandten Herren vnd freunden / nach vnserm eusserstem
vnd willigem vermögen/dienstlich/freündlich vnd mit allem
fleiß zuuerdienen/auch mit günstigem vnd gutem willen zu-
erkennen/die zeit vnfers lebens ganz gutwillig/bereit vnd ge-
neigt erfunden werden.

Der Allmechtige barmherzige Gott/wölle diese hand-
lung/als welche sein eigen sach ist/nach seiner Göttlichen All-
mechtigkeit/ zu glücklichen Christlichem vnd billichem auß-

gang dirigiren/leitten vnd füren/ auch dem frommen König
(wie vns nicht zweiffel) zu seiner zeit die vntrewe gfarliche
practicken/damit die argeliftige Anstifter/ obangeregter vne
christlicher verfolgung vnd Tyranny vmbgehen/Auch wie
vnderthenigst/trewlich/vnd gut wir es mit irer Mayst.
jeder zeit gemeint haben/ vnd noch zuerkennen ge
ben. Datum xx. Julij. Anno. lxxviij.



78 52 $\frac{4}{h, 13}$

ULB Halle 3
004 067 266



TA-06






Der du
sten Hochgebo
ren/Herren Willh
andern irer F. G. Mit
wider des Duca de Alb
folgung gegen a
Tyran

Sie rüsten sich
und verdamme vn
schus. Mein Gott
wird jnen ihr vnrech
bosheit willen vertil
stärken.



M.



Centimetres

Farbkarte #13

Blue

Cyan

Green

Yellow

Red

Magenta

White

3/Color

624 *

